



**ATASSUT**

**UPA 2016/98-1**

**Siverth K. Heilmann**

**13. 05. 2016.**

**Narsami illumik nutaaliorfimmik 300 m<sup>2</sup>-isut angissusilimmik pilersarusiortoqarlunilu sanasoqarnissaannut FLL 17-imi aningaasaliinissamut peqquneqarnissaannut Inatsisartut aalajangiiffigisassaattut siunnersuut. Illumi nutaaliorfiusumi nutaaliortiternissap siuarsarneqarnera inuussutissarsiutitigullu siuarsaaneq sulissutigineqassapput, taakkunani ilaallutik takornariaqarnermi ingerlassat kiisalu sumiiffinni pissarititat aallaavigalugit tunisassiassanik inerisaaneq, tassa kujataani pisuussutit uumassusillit uumaatsullu pigineqartut aallaavigalugit tunisassiornikkut imminut pilersorneq siuarsarneqarsinnaaqqullugu. Nutaaliorfiup ingerlanneqarnera Nammimersorlutik Oqartussanit isumagineqassaaq.**

(Inatsisartuni ilaasortaq Aqqaluaq B. Egede)

Siullermi ATASSUT sinnerlugu Inatsisartunut ilaasortaq Aqqaluaq B. Egede qutsavigissavarput aaliangiiffigisassatut siunnersuummik saqqummiussaqaarneranut, tamannalu ima naatsumik ATASSUT-mit oqaaseqarfigissavarput.

ATASSUT-mit pingaartilluinnarparput sutigut tamatigut suliffeqarfinnik inerisaasinnaaneq, nutaaliorlunilu siursaasinnaaneq. Aap siunnersuuteqartoq ilumoorpoq siunnersuummut tunngavilersuinermini eqqaammagu tamatta kissaatigigaaripput suliffissat aningaasarsiorfissallu nutaat pilersinneqarnissaat.

Taamaattorli aamma pingaaruteqarpoq misilittakkat suut pitsaasut pitsaanngitsullu ilinniarfiginiassallutigit, tassani eqqaasinnaavarput Maniitsumi Sisimiunilu illunik pioreersunik atorluta siunnersuuteqartup qulequtsiussaanut assingusumik pilersitsinikuugaluarpuqut iluatsitsiviunngimmatali taamaatiinnarnikuupput.

Taamaattumik ATASSUT-mit maannakkut naammagisimaarpavut Naalackersuisut ilaatigut akissuteqaammut atatillugu inuussutissarsiornikkut siuarsaanissamut pitsanngorsaatisatut allannguutissamik siunnersuuteqareersimaneeri.

Taamatut naatsumik aalajangiiffigisassatut siunnersuut ATASSUT-mit oqaaseqarfigalutigu Naalackersuisut siunnersuutip itigartinneqarnissaannut innersuussinera taperserlutigu, siunnersuutip itigartinneqarnissaa innersuussutigissavarput.

Qujanaq!